

Odluka Suda BiH

Čago i Mujčinović pušteni iz pritvora


Iz cijele grupe osumnjičene za organizirani kriminal zadržan samo Mladen Marković

Vijeće Suda BiH, kojim je predsjedavala sutkinja Mira Smajlović, donijelo je odluku o ukidanju pritvora Fahrudinu Čagi (53) i Smajilu Mujčinoviću (49) iz Zenice, dvojici prvoosumnjičenih u istrazi koja se vodi zbog sumnji da su počinili krivična djela organiziranog kriminala i porezne utaje, prema Kriječnom zakonu BiH.

Čago, Mujčinović te još nekoliko osoba uhapšeni su sredinom novembra, a nakon isteka prvih trideset, pritvor im je tokom decembra produžen za još četrdeset pet dana.

Njihovi branioci Almin Dautbegović i Ragib Hadžić, advokati iz Zenice, usprotivili su se prijedlogu tužioca za daljnje produžavanje pritvora, po osnovu navodnih novih pravaca istrage te mogućnosti da osumnjičeni utječu na svjedoke.

Istragu o ovom slučaju vodi Odjel za organizirani kriminal i tužitelj Ismet Šuškić. Sud je odbio zahtjev tužioca, smatrajući ih nedovoljnim dokazima da će osumnjičeni moći utje-



Čago: Odbijen zahtjev tužioca cati na svjedoke. Pritvor je ukinut, a od proteklog vikenda je zamijenjen ograničenjem kretanja i kontaktiranja osumnjičenih s drugim osobama.

Ranije su iz pritvora pušteni Safet Čolaković i Nermin Demirović, a u pritvoru je ostao samo Mladen Marković, zbog bojazni da bi mogao zloupotrijebiti dvojno državljanstvo BiH i Hrvatske. U akciji SIPA-e 11. novembra prošle godine uhapšeno je ukupno deset osoba, ali je pet od njih pušteno odmah nakon saslušanja. **A. DŽ.**